

MAIALE
DE CERTO
VITAE GENERE DE
LIGENDO, IACOBI BRASSICÆ
ROTTERODAMI, EX LOCO CICERONIS,
Lib. de Officiis primo: *Imprimis constituen-*
dum est, quos nos & quales esse velimus,
& in quo genere vite, ad
Gerardum Filium.

Cornelii Schonæi ad Iacobum Brassicam
Hexastichon.

Dum natum formare paras, reliquamq₂ juventam,
Rem literariam juvas,
Laudatumq₃ probas te sedulitate parentem,
Iuvásq₃ multos Brassica
Præceptis juvenes; ex quo tibi splendida magni
Orietur aura nominis.



HARLEMI,
Ex officina Aegidii Romanni,
Sub Prælo aurato.

M. D. XCVIII.

Ad Lectorem.

CVM animadvertere Lector, vivere nihil aliud esse, quam ad finem currere, præcipuum esse putabam, congruenter naturæ vivere, id est, a virtute moveri, fruique donis a natura datis. Humanæ enim vitæ felicitas ab hoc fine pender, ad quem pervenire non possumus; ni prius de vitæ genere deliberemus: quippè quam plurimum interest, quibus hîc auspiciis vitam inchoemus; nec quamdiu, sed quam benè vixerimus referat. Itaq; conscribere statuebam, quo pacto ad rectam vitæ viam pervenire liceret, ut quod animi nostri institutum sit, tandem ex his appareat. Locus autem hic noster desumptus est ex Ciceronis primo de Officiis Libro, qui quia difficilior mihi semper esse visus est, pro ingenioli mei modulo volui illum succisivis horis explanare, ac instituere non solum filii, verum etiam aliorum animos, qui hanc rationem, & præcepta volent sequi. Non quod hoc dicendo, unus ego multorum fidei, & authoritati, qui plânius ac melius quàm nos in hac re laborarunt, studeam derogare, sed ea ipsa, quæ a veteribus copiosè inventa sunt; tamquàm in tabellam parvam coner contrahere, aliterque disponere, ad usum filii, animiq; ejus capacitatem; quam potestatem nulli nato vel post mille secula audebit præcludere ulla occasio, nedum bonus ac æquus lector. Porro Majale materiæ frontî tamquam basi inscribo, quòd sub Majum, hoc quicquid est opusculi prodit. Superciliosos autem istos & crassos, ad vulgi tantum morem doctos, nil moror; quibus hæc, sat scio, desipere videbuntur, quòd ipsi eadem non intelligant; quorum ego genium ut semper sprevi, ita pro natura spernere numquam desinam. Præmium tantilli laboris. justum contigerit, si tibi hoc nostrum studium candide lector placere videbimus. Goudæ, ex Musæo nostro, xxvij. May, Anno xcvij.



MAIALE

DE CERTO

VITAE GENERE DELI-

GENDO, &c.

CAPVT PRIMVM.

Rationem reddit cur ad filium scribat.



SI præter tot Philosophorum sententias, prudentiæ atque sapientiæ fons, non veræ illius quam ignorabat, sed humanæ Gerarde fili, Cicero dicat; imprimis constituendum est, quos nos & quales esse velimus, & in quo genere vitæ, tibi me hercle, vt cæteris aliis, ante omnia, suscipiendâ mente atq; animo est, longè difficillima illa deliberatio. Etenim humana vita miseriarum ferè plena, suorum maiorum cõsiliî imitatione leniendâ, ac stabiliendâ quodâmodo est; ut ob hoc ipsum utiliter egeris & honestè, si tecum consulueris, quo pacto semel hîc tantum decurrendam, feliciter vitam finias tuam, in quo omnis ejusdem consistit perfectio. Sed quia in te mens, licet iam grandiusculo, quasi modo nata, in eo hæsitare videtur, ordo vitæ ac pietas illa, quam in me natura excitat, per omnia postulant, ut tibi mecum immensum pelagus ingresso, fidus nauta sim, & vector. Verè immensum pelagus, quod ut traicias omnino erit laboran-

laborandum. ac iccirco tamquam nauclerus sata-
gere non prius desinam, quam in locum destinatū
transmiserim, quem in fidem meam recepi, & mihi
tuendum, siue Natura, siue Deus dedit: te, inquam,
loquor filium, quo non tam gravor, quam charum
habeo; utpote, qui in intimis meis medullis ac vis-
ceribus hæres. quamobrem classem vitæ non
adornabo variam, sed tu tibi unam ex multis deli-
ge, cui te tutò committas, ego autem fretus divino
illo numine, quod Vniuersitatem regit, ancoram
solvam, velaque per turgida, tamquam merces,
unà cum prora & puppe, te in speratum portum,
conabor traducere.

CAPVT SECVNDVM.

*Docet præsens tempus hortari, ut certum aliquod
vitæ genus deligamus.*

PRÆSENTIA æstuant, ac ideo maximopere
ordinanda. nam dum corpus, tempore, quo
vivit, fruitur (nihil enim id nisi præsens & quod ad
est, movet) animus & præteritorum meminisse, &
futura providere debet, necesse est inservire tem-
pori, in quo sumus; at nisi honestum vitæ finem,
quod imprimis est utile, quæsi verimus, mille nos
miseros dolores excipiet. Omnia quidem hic ruta
putamus, & quod placet, utile credimus, more iu-
vêtitis stolidæ, ac vulgi, multo omniū stultissimi.
Verum humanæ vitæ regio, cōsuevit amæno aditu
fallere, quā nisi peragremus vigilantes, ignotis er-
rabimus in locis. Et qui tempori nimis, in quo est,
indulget, nec secum perpedit, in quæ mala nos ca-
sus queat deducere, nec cōmutationes rerū timet,
veluti infans est, qui manum in ignem imprudens
A iij extendit,

extendit, & non nisi læsus, vires ignis intelligit, Talis videlicet fortunæ potestatem sui facit. Igitur semper de illa cogitare, nihil tibi de ejus fide promittere, sed ad tranquillitatem vitæ, inquirere; præterita, & providere futura decet, ac sequi semper ea, quæ, pro natura, honestissima atq; vtilissima videbuntur.

CAPVT TERTIVM.

Docet cur adeo multi in certo vitæ genere deligendo hallucinentur. item ut consideratè genus vitæ ali- quod deligamus; duabus in rebus maximè constare; præteritorum memoriâ, que nos ad maiorum consilia provocat, & futurorum providentiâ.

VERUM quod ab eo, quod propositum est, multi sæpè aberrarint, & hodiè adhuc nonnullos aberrare videmus, infirma est adolescentiæ ætas, quæ tam grave consilii pondus non sustinet, nec seipsam satis novit, nec quid quaq; in re positum sit videt: quum præsertim se ad id quod adest, quodq; presens est accommodet, nulla collocata mente in præteriti temporis spatio, & providentiâ futurorum, quæ profectò, in vitæ genere deligendo, duo præcipua, ac prima sunt capita. Etenim deliberans, quem potissimum vitæ ordinem se pro naturâ sequi decet, non ex alia re melius, quam ex his duobus cognoscet. Nam si in vitæ genere consideratè deligendo, Cicero, nobis liberum arbitrium admittit, ac nostræ non vitiosæ naturæ genus, vult, ut ad maiorum consilia nos conferamus; præsertim cum celerrimè præsentia hic evanescant, & nullus, an hæc sint subsequutura tempora, satis exploratum habet; quamquam etiam nostra consilia, in futu-

in futurum, imo sempiternum tempus spectare debent; necesse est revocare animos nostros, ad præteriti temporis memoriam. Hoc, si fiet, id quod vitæ genus delegimus, rectè esse susceptum pro cuiusq; natura, an non, felix sit, an infustum, apparebit. Nemo ex præsentis rerum statu, vitæ genus simpliciter inire debet: primum, quia uno in momento sæpè fortuna hæc omnia mutat. Dein etiam ex propria natura; quod præsens est admirabili quodam modo labitur. quod lapsum, prætervectum, ac ideo etiam nihil est, nec umquam revertitur, nec quid sequetur, sciri a quoquam potest. Iam ut in præsentis, verum quiddam non inest, nisi impendens quod eventurum est tempus, id comprobet, vitæ, solum in præterito, certi quiddam inest, quia quod præteritum est, iudicamus; verum id fuerit an falsum, rectum an pravum, honestum an turpe. Cum deliberas, ait, Isocrates, è præteritis exempla peterem futurarum; nam quæ obscura sunt, è manifestis facilius iudicantur. Igitur quæ in memoria constant, petenda consilia maiorum, ut ad suam quisq; naturam ea sequatur. Cæterum, quamquam sæpè ne utile quidem est scire, quod futurum, miserum tamen est, quum consilium sit aliquid faciendi aut non faciendi excogitata ratio, consilij alicujus sui iudicium esse, sine vlla cura futurorum.

*In par
nest ad
Demon
cum.*

*Cic. de
natura
Deor.*

*De In
ventio.*

CAPVT QVARTVM.

Pro natura quod suadet Cicero, ut se quisq; gerat, in genere vitæ deligendo, id quomodo intelligendum, & quid sit, tum spatium ad deliberandum esse opus, & alterius exquirendum consilium, exponit.

PRò natura nihil aliud est, quam ut quo quisq;
animo, & ad quid sit affectus, jubet Cicero, sic
ad vitæ aliquod genus proficisci, ut optimè secun-
dum animum constituisse videamur; ut nihil sit,
quod errorem adferat. Nam cavendum imprimis,
ne te falsa ulla opinio inficiat, aut aliò quàm par-
est flectat; si vitæ aliquod genus, titè sectaberis.
At iuxta Delphicam inscriptionem, nosceto ipsum,
id est, animi proprii & corporis habeto cogni-
tionem. quæ si non accendet, rues in tenebris;
cæcisq; nubibus & procellis: atque antea impli-
caberis certo aliquo genere vivendi: quàm po-
tuiti, ad quod natus & aptus es judicare. Nam ut
codē. ad omnia confert cognitio sui, ita, quod sequi
necesse est, quibus est ignorantia sui, sit se penume-
ro, ut infelicitè vitam permutare cogantur: certè
qui se non ante metientes, vitæ aliquod genus
amplectuntur, rudes ac tanquam catuli, novum
quendam eiectionem in orbem, putidè in eò versantur.
Sed ut quis se cognoscat necesse est, & exempla in-
quirat majorum, ad quæ, ut dixi, & se, & naturam
suam examinet. præsertim æstimandæ vires cum
rebus quas aggredi conaberis. necesse est enim, ve-
De luti inquit Seneca, ut opprimant onera quæ feren-
anq. te majora sunt. quò magis id cavendum, quod ferè
a natura, plus nobis videmur posse, quàm revera
possumus, dum contra debeat semper plus esse vi-
rium in actore, quàm pondere. inclinandum maxi-
mè eò, quò te natura & vis ingenii flectat, ut So-
cratem legimus apud eundem, Euphorum iniecta
manu à foro subduxisse, quod viliorẽ eum cõ-
Seneca. ponendis monumentis historiæ existimaret. sic
quæ cuiq; vita apta erit obveniet. sed qua in re tem-
pore

pore opus erit: est enim contraria consilio festinatio. Neque etiam repente aliquis ad summam scientiam, nedum compositam, beneque constitutam vitæ rationem pervenit. Considerata sæpe numero tarditas, ut hostibus suis propugnaculum opponit, ita quæ citò & sine mora decernuntur, fere in nervum erumpere solent. nescis, fili, nescis, hac in re præcipitatum consilium quantam humanarum rerum pestem gignat: contra levatur omnis cura, cum consistit consilium in iudicio, lætusque eventus sequitur. Id adiugam, quod appositum est, ut ex eodem cognoscas, dum statuo deliberandi spatium, quàm longum esse debeat. spatium autem deliberandi concedo a pueritia, usque ad vigesimū octavum ætatis annum, quando in homine limatum illud intelligensque ratione duce accrescit iudicium. Quod si neque tum qualis eris, vel ex imperitia animi, vel phantasiæ atra caligine & tenebris videbis, prudentioribus te ipsum aperi, ut illorum te fulciat ratio. Ipsi Agamemnoni regi regum fuit honestum, aliquem in consiliis capiendis habere Nestorem. Difficile est, sæpe quod repetendum duco, seipsum nosse, at facile alterum iudicare. par est autem, quum nullius artis difficilius, quam sui ipsius cognitio videatur, alterum ut quis consulat, quid sibi faciendum putet, si ipse semisomnis, hac in re, de qua dicimus, hærebit. Neque etiam tum, aut fervida efferatum bile pectus, aut furor esse in te debebit, si qui consulit, amore ductus, alia præterquam statueris, voluerit suadere. Talis animi impotentia si te inflammabit, omninò in lubrico versaberis, tamquam incitata semel in proclive labuntur. Dignissimam, arbitror Cice-

Disimil

Sunt verba Cic. ad Atticum.

usquam
ubiq;
t.
mea.

Arist. lib.
lit. 10.
r. lib. Me-
ph. 2.

ronis de hac re sententiam, cuius aures clausæ ve-
ritati sunt ut ab amico verum audire nequeat, hu-
jus salutem desperandam esse. Nam in consilio
capiundo, quum neque tibi prudentia erit, quæ ad
aptum genus vitæ ducat, neque consultoribus pa-
rere voles, nullum erit genus; quod aut sequi aut
relinquere erit integrum; sed ut aves quaquaver-
sum vagantes, nusquam eris, nec ullo in genere
vitæ, dum natura nō gignat singula ad plures usus;
sed unumquodque ad suum peculiarem. quamo-
brem ante omnia naturæ tuæ propensionem & aliis
aperire, & nosse, ac sequi debebis, quod ab eadem
non erit alienum, quò melius rati officiorum or-
dines sequantur, per quos honestè & beatè licebit
vivere, & tibi atq; Republicæ prodesse.

CAPVT QVINTVM.

*Exquirenti alterius consilium, cautione opus esse, & quem
præsertim consultorem convenit cupere.*

ut quid
...
...

IDONEUS autem, de cuius sententia consilium
lucapies, erit, prudens, & ætate gravis; ad quam
ille longo ordine studiorum, intentoque pervenit:
qui tibi amicus, qui adulando non fallit: sed cuius
consilium, ab optima fide, & optimo animo,
semper videbitur esse profectum. Ejusmodi, quid
assequi velis, & cui te petissimum vitæ credere, &
ore, & aperto pectore est fatendum, ut ille judicare
queat sermones se consulentis, atque omnes me-
tuens expedere casus: Sunt qui non veritati causæ,
sed ad affectum consulentibus respondent, quorū
perniciosum genus facillè videbis, si tu te ipsum in-
tus considerabis, & non qualis sis, illis credas. Tales
me hercle, procul amovendi, ac ne audiendi quidē
sunt,

si
fe
eff
qu
cr
su
de
sit
ral
lis
Si
let
T
co
rib
ad
ex
pr
cel
co
...
H
tur
prin
libe
ade
itm

sunt, quod principia dant jucunda, quæ exitus ad-
ferunt amatissimos. Et minimè quoq; credendum
est his, qui aliud in fronte, quam mente gerunt,
qui ex consilio dando, commodà parva aut medio-
cria captant, & vitæ non sunt benè constitutæ,
suasque res ipsi malè administrarunt. Supra te esse
decet, cui te committas. Nam qui suum malè ges-
sit, quomodo procurabit alienum: an vero nobis
talem consultorem quæremus, qui sibi non est uti-
lis? Aut nobis vacare credemus, qui non vacat sibi?
Similiter ut diximus illius consiliis parere quis vo-
let, qui non consulentem se, sed res ejus diligit?
Turpè sit homini præsertim libero ac ingenuo,
consultoris nullum habere delectum, & assentato-
ribus patefacere aures, dū se adulari sinunt; quando
adeo frequentes adsint; & parentes, ita naturaliter
erga suos affecti, ut optimè iis velint, & pietate tot
propinquitatem colentes, vivendique præceptores
celebres, quorum fidelissimis atque amantissimis
consiliis semper uti poterimus, & frui.

*Ambrosius
lib. de officiis.*

*Isocrates
in parranese.*

CAPVT SEXTVM.

*Exempla summorum virorum narrat, ut ex eorum si-
militudine se ad consilium majorum revocet.*

HÆC autem ratio erit in mente tua confir-
mata & perfecta, ut quam multi se pro na-
tura gerant, per exempla aliquot considerabis. im-
primis, parentum ferè natura pensus insidet in
liberis; imaginibus animi & corporis paterni. id
adeo verum est, ut quicquam adhuc non invene-
rim firmitus, recteq; scripsisse Poeta videatur.

Fortes creantur fortibus: & bonis

Est in juvenis, est in equis patrum.

Virtus:

*Virtus: nec imbellem feroces
Progenerant aquilla columbam.*

Sic Hector durissimus omnibus Troanorum in periculis, Deos orans, sperabat, Astyanacta filium, illo egregiè imperaturum, ut aliquando quis diceret, en patre hic multo præstantior. Gaudebar enim quod illum genuisset, & semen virtutis sparsisset. Sic, ut est apud Sophoclem in Philoctete, patre Achille satus Neoptolemus, stimulatus doli conscientia, ad naturam patris redit, ac Philoctetæ arcum restituit, vel reluctante Vlyssæ, qui si non tenendam sibi esse viam, quam natura præscribebat judicasset, arcum haud reddidisset. Porro causam ut cum brevitate prosequar, quamquam occultæ hominum voluntates, multiplicesq; naturæ; plerumque tamen natura parentum, ut dixi, liberis fundamentum semenque vel virtutis, vel vitiorum struit. Quod si quis inglorios habuerit parentes, ille tum maximè aliud quoddam vitæ institutum sequatur: ut tanto superior vivat in gloria, quanto illis animus erat abjectior; & qui illum introspicient, experiundo intelligant, ex improbo patre, & probum Filium nasci: Patris enim vitiosa illustrat vitam filii bene constitutam. Solent enim pleriq; non ita commendare & venerari laudatis patribus natos, ut eos, qui patrum sævitiam & immanitatem nulla ex parte imitantur. At si singulari quadam virtute præditi contingant, vel qui contemnendi non videantur, imitatione illorum exæquanda virtus. quod si nō potuerit, quia tanta, natura duce saltem eam decemabit. Etenim non respondere virtuti majorum, vel in degenerare nefas atque improbum est. Ergo

est. Ergo proprium munus est liberorum, intelligere parentum naturam, quorum opera sunt facti, in iplis conditam abditeq; latere. quæ res magnum habet momentum ad certum vitæ genus diligendum: mox enim suam, ex illorum, naturam metientes, ac inveniētes, parem omnino in se atque in illis esse, unius quoque artis & vitæ socios se constituent, nullamque delabentur in difficultatem. Nam si non leves parentes, sed boni ac industrii in vita exstiterunt, quī non valebunt in vita pari, qui valent in natura, quæ par est. neque etiam ulli vita malè cedere potest, cujus usum esse bonum parentes docuerunt, omnino si qua regula, nulla ad hanc rem compendiosior, quum videamus infinitos in eo studio versari, in quo norunt parentes conuenisse, quorum animos, quam cum illis parem gerunt, natura, ceu cohortatione ad id commouet. Ita ferè filius agricola, patre agricola; faber fabro, poëta poëta, oratore orator, philosophus philosopho nascitur. juxta illud

Ὅγχνη ἐπὶ ὀγχνη γηράσκει, μῆλον δ' ἐπὶ μῆλῳ,
 Ἄντ' ἀρ' ἐπὶ σαφύλῃ σαφύλῃ, σῦκον δ' ἐπὶ σύκῳ.
 hoc est sequi consilia majorum, ac parem iis esse.

Odyssea
 8.

CAPVT SEPTIMUM.

Objectiones nonnullas refellit, ac priora concludit.

QUAMQVAM autem, ut Ciceronis verba sequar, in deliberatione, præter ea, quæ diximus, multa occurrant; plerosque aut parentum præceptis imbutos, ad eorum consuetudinem, moremq; deduci: alios multitudinis ferri iudicio, quæ

1.
 2.
 3.
 4.

„cio, quæq; majori parti pulcherrima videntur, ea
„maximè exoptare : nonnullos etiam , felicitate
„quadam rectam sequi vitæ viam: at illud, maximè
„tarum genus esse eorum, qui aut excellentis in-
„genii magnitudine, aut præclara eruditione, aut
„utraque re orhati, sibi spatium deliberandi sta-
„tuunt. Ad hanc tamen rem, maximam natura
natura
is. rationem habet. vivendi enim optima est dux,
ac benè cuique vitæ suæ ordinem struit, & prodi-
Scipio A-
frican. se semper, consiliisq; omnibus, quasi summo ju-
Nero. re derogat. Nulla enim potestas Scipionem Afri-
canum maiorem terrere poterat, quin causas in
judicio defensitaret, & populum concionibus tene-
ret, bellaque gereret; ut nec Neronis pravi rabiem
vertete. Dat enim cuique natura quod convenit,
cui propria ea vis inest, ut & animum & corpus
Plotius de
inf. Phil. nostrum moderetur, cujus tantam videmus dili-
b. 2. gentiam, ut cuncta semine multiplicato propagen-
tur. Et ut Seneca docet, difficile est mutare naturā:
lib. de ira itaque, tenenda est via, quam natura præscripsit.
Nam neque parentum præcepta, moresq; eorum
sæpè absurdi: neque multitudinis ferè errantis ju-
diciū: aut fortuna quælibet, nunquam stabilis:
aut excellentia ingenii, & præclara eruditio fre-
Cic. de
natur-
deor. quenter hallucinans, certum vitæ institutum ho-
b. 2. minibus præscribere potest; quia nulla ars imitari,
solertiam naturæ potest. Omnis enim natura arti-
ficiofa est, ac ita se exerit, ut Minervam ejus semper
sequi debeamus. Sæpius ad laudem atq; virtutem
naturam sine doctrina, quàm sine natura valuisse
Pro Ar-
istia Poæ-
n. doctrinam, scribit Cicero. De objectionibus multa
forent commemoranda, calamo percurrat ea qui
volet; at nos materiæ nostræ hunc finem & termi-
num